

МОНГОЛЫН ГАЛ УНТРААХ ТЕХНИКИЙН ОЛОН ТӨРӨЛТ
СПОРТЫН ТЭМЦЭЭНИЙ ДҮРЭМ

Нэг.Нийтлэг зүйл.

Оролцогчдын тэмцээнд гаргасан амжилтын үзүүлэлт нь зөвхөн албан ёсны /олон улсын, улс, бүсийн аварга шалгаруулах/ тэмцээнүүдэд гаргасан бол хүчин төгөлдөрт тооцно. Мөн гал унтраах техникийн олон төрөлт спортын холбооноос зохион байгуулсан тэмдэглэлт өдөр, баяр, нөхөрсөг уулзалт зэрэг урьдчилан төлөвлөгөөнд тусгагдаагүй боловч энэхүү дүрмийн дагуу явагдсан тэмцээнүүдэд үзүүлсэн амжилтыг хүчин төгөлдөрт тооцож болно.

1.1.Тэмцээний төрөл

1.1.1. Насанд хүрэгчдийн тэмцээн

- довтолгооны шатны тэмцээн
- саадтай 100 метрийн тэмцээн
- 4x100 метрийн буухиа тэмцээн
- 3 сунадаг шатны тэмцээн
- байлдааны тархалтын тэмцээн

1.1.2 .Өсвөрийн үеийнхний тэмцээн

- саадтай 80 метрийн тэмцээн
- довтолгооны шатны / цамхагийн 2-р давхарт гарах/ тэмцээн
- 5 x 80м-ийн буухиа тэмцээн

1.2. Тэмцээнийг зохион явуулах удирдамж

1.2.1 .Тэмцээнийг зохион явуулах газраас тэмцээний удирдамжийг боловсруулан баталж, дараах асуудлуудыг тусгана. Үүнд:

- тэмцээний зорилго
- явуулах газар, хугацаа
- тэмцээнийг удирдах, шүүгчдийг томилох
- оролцох байгууллага ба тамирчид
- тэмцээний хөтөлбөр
- тамирчдыг хүлээн авах ба байрлуулахтай холбогдсон санхүү аж ахуйн асуудал
- дүн гаргах журам (хувийн ба багийн)
- шагнал
- оролцогч байгууллагуудад тавигдах шаардлага
- мэдүүлэг ирүүлэх хугацаа, техникийн зөвлөгөөн түүний тэмдэглэл

1.2.2. Олон улсын тэмцээнийг зохион байгуулах улс, орон нь оролцох орнуудад урилгыг 6 сараас доошгүй, дотооддоо улс, бүсийн, аварга шалгаруулах тэмцээний урилгыг 1 сараас доошгүй хугацааны өмнө хүргүүлнэ.

1.2.3. Тэмцээний талаар нэмэлт өөрчлөлт оруулахыг зөвхөн зохион байгуулах байгууллага гаргах эрхтэй бөгөөд тэмцээн эхлэхээс сарын өмнө оролцох байгууллагад мэдэгдэнэ.

1.3.Амжилтыг үнэлэх

1.3.1. Тамирчдын хувийн болон багийн амжилтыг тооцохдоо энэхүү дүрмийн амжилт үнэлэх журмыг баримтална.

1.3.2. Хувийн болон багийн тэмцээний дүнг гаргахдаа оролцогчдын тэмцээний төрөлд гаргасан хамгийн сайн амжилтыг авч цуваагаар байр эзлүүлнэ.

1.3.3. Довтолгооны шатны болон саадтай 100метрийн төрлийн тэмцээний хувийн амжилтын дүнг гаргахдаа хамгийн сайн амжилтыг авна. Хэрэв хоёр болон түүнээс олон тамирчдын үзүүлэлт тэнцвэл

хоёр амжилтын нийлбэрээр дүнг гаргана. Хэрэв хоёр амжилтын нийлбэр дүн тэнцсэн тохиолдолд гараанд гарсан дарааллаар байр эзлүүлнэ.

Дутуу оролцсон багийг гүйцэд оролцсон багийн дараа байр эзлүүлнэ. Хэрэв хоёр болон хэд хэдэн баг ижилхэн буюу дутуу амжилттай оролцсон бол амжилтын дарааллаар байр эзлүүлнэ.

Хэрэв энэ амжилтууд адилхан байвал эхний амжилтаар цаашдаа адилхан байвал гараанд гарсан дарааллаар дүгнэнэ. Хагас шигшээ болон шигшээ гүйлтийн амжилт багийн дүнд орохгүй. Буухиа уралдааны төрөлд ижил амжилттай байвал түрүүлж гараанд гарсан багийг шалгаруулна.

1.3.4. Саадтай 100 метрийн гүйлт болон довтолгооны шатны төрөлд ялагчийг шигшээ гүйлтээр шалгаруулна.

1.3.5. Шигшээ гүйлтэнд адил амжилт гаргасан тамирчдыг тухайн төрөлд гарсан гарааны дарааллаар нь байр эзлүүлнэ.

1.3.6 Хоёр төрөлтийн тэмцээнд тамирчдын амжилтын үзүүлэлт ижил тохиолдолд довтолгооны шатны тэмцээний төрөлд үзүүлсэн дээд амжилтаар шалгаруулна.

1.4.Тэмцээнийг өөрчлөх

Тэмцээнийг өөрчлөх, эхлэх хугацааг хойшлуулах, эхэлсэн үед зогсоох буюу түр завсарлагааг хийлгэх шаардлага гарвал доорх тохиолдолд ерөнхий шүүгч шийдвэрлэнэ:

- тэмцээн явуулах газар зохих ёсоор бэлтгэгдээгүй буюу явуулах боломжгүй
- тэмцээнд хэрэглэгдэх хэрэгслэл төхөөрөмжүүд байхгүй буюу дүрэмд зааснаар бэлтгэгдээгүй
 - цаг агаарын байдлаас харанхуй болох, бороо, цас орох, хүчтэй шуурга буюу тэмцээний хэвийн ажиллагаанд саад болох бусад шалтгаан тохиолдох
 - эмч байхгүй зэрэг болно

1.5. Гомдол гаргах

Оролцогчид ба багийн төлөөлөгчид нь тэмцээний явцын үнэн бодит байдалд үл итгэлцэл төрсөн буюу ямарваа нэгэн асуудал гарсан, мөн зарим шүүгчдийн шийдвэр нь үнэмшилтэй бус тохиолдолд багийн төлөөлөгчид ерөнхий шүүгч буюу тухайн тэмцээний ахлах шүүгч мөн түүний орлогчид багийн ахлагчаар дамжуулан гомдлоо илэрхийлэн хандаж болно. Гомдлоо бичгээр тэмцээний тухайн төрлийн дүнгийн хурал эхлэхээс өмнө ерөнхий шүүгчид өгсөн байх ёстой. Гомдлын талаарх эцсийн шийдвэр нь тэмцээний дараагийн төрөл эхлэхээс өмнө гарсан байх ёстой.

Хэрэв энэ нь боломжгүй бол гомдол гаргасан оролцогч нь дараагийн тэмцээнд албан бус оролцогчоор оролцоно. Гомдлын талаарх шийдвэр нь ерөнхий шүүгч буюу шүүгчдийн зөвлөлийн хуралдааны тэмдэглэлд бичсэн тохиолдолд хүчин төгөлдөр болно.

Хоёр. Дасгалжуулагч, тамирчдын эрх, үүрэг

2.1.Багийн бүрэлдэхүүний тоо

Тэмцээний төрөл	Тоо	Амжилт
Саадтай100м-ийн тэмцээн	8 хүн	6
Довтолгооны шатны тэмцээн	8 хүн	6
3 сунадаг шатны тэмцээн	2 баг	1
Байлдааны тархалтын төрөл	7 хүн	1
4x100м-ийн буухиа төрөл	2 баг	1

2.2.Тамирчдыг тэмцээнд оролцуулах

2.2.1. Тэмцээнд гал унтраах техникийн олон төрөлт спортын бэлтгэл хангасан тамирчдыг эмчийн зөвшөөрөлтэй оролцуулна. Тэмцээнд оролцогчийг төлөөлж байгаа байгууллага нь бэлтгэлийн үе ба тэмцээний үед гарч болох гэмтэл ослоос тамирчдыг даатгах ба аюулгүй байдлыг тамирчид өөрсдөө хариуцна. Оролцогчдын тоо нь тэмцээнд орох мэдүүлэгтэй тохирч байх ёстой.

2.2.2. Тамирчдыг солих тухай шийдвэр нь зөвхөн тусгай тохиолдолд зөвшөөрнө. /Тамирчдыг эмчийн магадалгаагаар чөлөөлсөн эсвэл шүүгчдийн зөвлөлийн хуралдааны шийдвэр гарсан тохиолдолд/

2.2.3. Шинээр тамирчдыг оролцуулах тухай нэмэгдэл мэдүүлэг нь тухайн тохиолдолд зориулагдсан хэлбэрээр өгөгдөх ёстой. Тамирчдыг нэг төрлөөс нөгөө төрөлд оролцуулах шаардлагатай үед мэдүүлэг дээр тусгаж өгнө. Нэмэгдэл мэдүүлэг нь тухайн тэмцээний төрөл эхлэхээс нэг цагийн өмнө өгөгдсөн байх ёстой.

2.2.4. Тэмцээнд оролцож буй тамирчид нь дарга захирагчийн тэмцээнд оролцох /бэлтгэл хийх/ тухай тушаал гарсан өдрөөс тэмцээн дуусах хүртэл албан үүргээ гүйцэтгэж байгаагаар тооцож гэмтэл бэртлийн үед даатгалын нөхөн төлбөрийг олгох

2.3.Тэмцээнд оролцогчдын эрх, үүрэг

2.3.1. Тамирчид нь тэмцээний дүрэм тухайн төрлөөр явагдах бүх нөхцөл болзлыг урьдчилан мэдсэн байх үүрэгтэй.

2.3.2. Тэмцээнд оролцогч нь тэмцээнд бие дааж оролцох бөгөөд дасгал хийх үед бусдаас ямар нэгэн туслалцаа авах эрхгүй. Дүрэм зөрчсөн тохиолдолд тэмцээнд үзүүлсэн амжилтыг тооцохгүй.

2.3.3. Дүрэм зөрчсөн тохиолдолд тамирчинд анхааруулга өгнө. Давтан зөрчсөн тохиолдолд оролцогч анхааруулгагүйгээр тухайн тэмцээнээс шууд хасна.

2.3.4. Тамирчин нь шүүгчдийн зөвлөлийн шаардлагын дагуу эрүүл мэндийн үзлэгт хамрагдсан байх ёстой. Хамрагдаагүй тохиолдолд тэмцээнээс хасагдана. Допинг хэрэглэсэн нь тогтоогдвол тодорхой хугацаагаар тэмцээнд оролцох эрхийг нь хасч, дараагийн тамирчинд байрыг шилжүүлнэ.

2.3.5. Тамирчид тэмцээний нээлт, хаалтын ажиллагаанд шүүгчийн удирдлагын дор нийтээр зохион байгуулалттай жагсана.

2.3.6. Тамирчин хүндэтгэх шалтгаангүйгээр 1 ба 2 дахь оролдлогод оролцоогүй бол оролцохоос татгалзсан гэж тооцон тухайн оролдлогоос хасч, багийн үнэлгээнээс хасагдана. Тухайн төрлийн тэмцээнээс чөлөөлөх эрхийг зөвхөн эмч өгнө.

2.3.7. Тамирчин дасгалын талаарх асуудлаар шүүгчид хандаж болно. Бусад бүх тохиолдолд зөвхөн багийн ахлагчаар дамжуулан шүүгчид хандана.

2.4.Тамирчдын өмсгөл

2.4.1. Тамирчин бүх төрөлд дүрмээр зөвшөөрөгдсөн биеийн тамирын хувцастай оролцоно. Хөдөлмөр хамгаалал, аюулгүй ажиллагааг хангасан галын дөлнөөс хамгаалсан малгайн дотуур өмсгөл бүхий дуулга малгай, бөх бат материалаар хийгдсэн 80мм-ээс доошгүй өргөнтэй бүстэй байна.

2.4.2. Тамирчдын хувцас, хэрэгслэл нь дараах шаардлагыг хангасан байх ёстой.

- биеийн тамирын өмсгөл нь даавуу буюу синтетик материалаар хийгдсэн гарын шуу хөлний шилбийг халхалсан байна.
- тусгай гутал буюу пүүз нь уландаа хадаастай байж болно.
- тэвштэй галыг унтраах үед оролцогч нь заавал бээлий, нүүрний хамгаалалттай малгайтай байна.
- биеийн тамирын хувцас буюу малгайны өнгө нь багаараа ижил өнгөтэй байна.

2.4.3.Тамирчны хувийн дугаарыг уралдаан зохион байгуулж байгаа байгууллага хариуцна. Хэрэв тамирчдад нэг талтай дугаар өгвөл довтолгооны шатаар гүйх тэмцээний үед түүнийг нуруундаа тогтоох ба бусад тохиолдолд урд талдаа тогтооно.

2.4.4. Олон улсын тэмцээнд оролцох үед тамирчдын хувцсан дээр төлөөлж буй улсынхаа эмблемтэй байж болно. Шигшээ багийн гишүүд нь биеийн тамирын хувцсанд улсынхаа далбаа, сүлдийг зүүсэн байх ёстой. Биеийн тамирын хувцас буюу малгайндаа рекламн зорилгоор ивээн тэтгэгч фирмийн таних тэмдэг байхыг зөвшөөрнө.

2.4.5. Хувцасны дүрмийн шаардлагыг хангаагаагүй тохиолдолд тамирчдыг тэмцээнд оролцуулахгүй.

2.5. Дасгалжуулагч ба багийн ахлагчийн үүрэг, эрх

2.5.1.Тэмцээнд оролцогч баг болгон багийн ахлагч болон дасгалжуулагчтай байна.

2.5.2. Ахлагч нь тухайн тэмцээний дүрэм горимийг мэдэж байх ёстой ба түүнийг удирдлага болгон хэрэгжүүлэх үүрэгтэй.

2.5.3. Ахлагч нь тэмцээнийг явуулах тухай мэдээллийг шүүгчдийн зөвлөл, тэмцээний үр дүнгийн тухай мэдээллийг нарийн бичиг шүүгчээс авах эрхтэй.

2.5.4. Багийн ахлагч нь багийг тэмцээн болох газар бэлэн байлгах, хувцаслалтыг анхаарах, албан ёсны нээлт болон хаалтын үйл ажиллагаанд оролцуулах үүргийг хүлээнэ.

2.5.5. Нэмэлт мэдүүлэг өгөх, сэлгээ хийх мэдээлэл өгөх, гомдол гаргах эрхийг зөвхөн багийн ахлагч эдэлнэ. .

2.5.6. Техникийн зөвлөлгөөний хуралд багийн ахлагч заавал оролцоно. Багийнхаа нэрийн өмнөөс санал гаргах, саналаа илэрхийлэх, тэмцээний сугалаанд оролцох эрхтэй.

2.5.7. Багийн ахлагч нар тэмцээний явцад тэмцээн зохион байгуулж буй хүмүүсийн шийдвэрт оролцох нөлөөлөхийг хориглоно.

2.5.8. Багийн ахлагч нь тэмцээн бүрэн дуусаагүй буюу тухайн өдрийн тэмцээний үр дүн гараагүй байхад тэмцээнийг орхиж явахыг хориглоно.

2.5.9. Багийн ахлагч нь шүүгчдийн зөвлөлийн бүх шийдвэрийг тамирчиддаа бүрэн хүргэж байх үүрэгтэй.

2.5.10. Багийн ахлагч байхгүй үед (хүндэтгэн үзэх шалтгаанаар) ахлагчийн бүх эрхийг дасгалжуулагч эдэлнэ.

2.5.11. Багийн дасгалжуулагч ба багийн ахлагч нь тухайн тэмцээнийг явуулах шүүгчийн зөвлөлийн гишүүн байж болохгүй.

Гурав. Шүүгчийн бүрэлдэхүүн

3.1.Ерөнхий зүйл

3.1.1. Гал унтраах техникийн олон төрөлт спортын бүх төрлийн тэмцээн нь албан ёсны шүүгчийн бүрэлдэхүүнтэйгээр зохион байгуулагдана. Ерөнхий шүүгч, шүүгчдийн зөвлөлийг Онцгой байдлын асуудал эрхэлсэн төрийн захиргааны төв байгууллагын даргын тушаалаар эсвэл Гал унтраах техникийн олон төрөлт спортын холбооны болон тэмцээнийг зохион байгуулах клубын тэргүүн томилж болно.

3.1.2. Шүүгчдийн зөвлөлийн гишүүд нь албан ёсны таних тэмдэг зүүсэн байх ёстой. Тэмцээнийг зохион байгуулж байгаа байгууллага шүүгчдийн зөвлөлийн гишүүдийг ижил өнгийн хувцсаар хангах үүрэгтэй.

3.1.3. Шүүгч нар нь ерөнхий болон ахлах шүүгчийн зөвшөөрөлгүйгээр тэмцээн зохион байгуулах журмыг зөрчих болон тэмцээний байрлалыг орхин явж болохгүй. Мөн оролцогчдод эмнэлгийн тусламжаас бусад ямар нэгэн тусламж үзүүлэхийг хориглоно.

3.1.4. Шүүгчийн зөвлөл нь ерөнхий шүүгч, тэмцээн явуулж буй газар, тэмцээний хөтөлбөрийн төрлөөс хамааран бусад шүүгчдийг томилно.

3.1.5. Тэмцээнд цахилгаан ба механик тоног төхөөрөмж хэрэглэж байгаа үед шаардлагатай техникийн ажилтнуудыг бэлэн байлгана.

3.1.6. Асуудлыг шийдэх үед шүүгчийн зөвлөлийн санал зөрөлдсөн тохиолдолд эцсийн шийдвэр гаргах эрхийг ерөнхий шүүгч эдлэнэ.

3.2. Ерөнхий шүүгчийн зөвлөл

3.2.1. Тэмцээн зохион байгуулахын тулд ерөнхий шүүгчийн зөвлөл томилогдох ба бүрэлдэхүүнд нь ерөнхий шүүгч,орлогч, нарийн бичгийн дарга, ахлах шүүгч, шүүгч, эмч шүүгч орох ба эмч шүүгч нь тэмцээний үед гарах санал, гомдол, хэлэлцэх болон шийдвэр гаргахад оролцоно.

3.2.2. Ерөнхий шүүгчийн зөвлөлийн шүүгч нарын гаргасан шийдвэр нь эцсийн хүчин төгөлдөр шийдвэр байх ба олонхийн саналаар батлагдана. Ерөнхий шүүгчийн зөвлөл нь тэмцээний дүрэм зааварт заагдаагүй боловч учирсан тохиолдлуудын талаар шийдвэрийг гаргах эрхтэй. Гэхдээ дүрмийн заалтыг өөрчлөх эрх байхгүй.

3.2.3. Шүүгчдийн ерөнхий зөвлөлөөс дүрэм зөрчигдөж болзошгүй болон мэргэжлийн дүгнэлт гаргах шаардлагатай газруудад тус тусын үүрэгтэй шүүгчдийг хуваарилна.

3.2.4. Туслах шүүгчдийн тоо буюу тэдний үүргийг дүрэмд заасан байх ёстой.

3.3. Ерөнхий шүүгч

3.3.1. Ерөнхий шүүгч нь шүүгчийн зөвлөлийн ахлагч бөгөөд тэмцээнийг удирдан зохион байгуулагч юм.

3.3.2. Ерөнхий шүүгчийн үүрэг:

а/ тэмцээн явуулах хуваарийг өдөр, цагаар гаргуулан баталгаажуулах

б/ тэмцээнийг зохион байгуулах горимыг шүүгч оролцогчдод тайлбарлах. Үүнд:

- тэмцээний дүрмийг тайлбарлах
- албан ёсны нээлт, хаалтын үйл ажиллагааг зохион байгуулах
- галын спортын төрлүүдээр явагдах тэмцээний дүрэм, журмыг тайлбарлах (гүйлтийн тоо, оролдлогыг гүйцээх нөхцөл, хувийн багаж хэрэгслийн ашиглалт гэх мэт)

в/ шүүгчдийн ажлыг хэсэг буюу багаар хуваарилах

г/ тэмцээн явуулах газруудын багаж хэрэгслэл, тоног төхөөрөмж нь дүрмийн дагуу бэтгэгдсэн эсэхэд хяналт тавих

д/ тэмцээнд оролцогчид, үзэгчид, багийн ахлагчид, радио, телевиз болон хэвлэл мэдээллийн төлөөлөгчдийг хэрэгцээтэй мэдээллээр хангах

е/ тэмцээн зохион байгуулах газрыг тогтоох, зай хэмжилт хийх болон тэмцээний хэрэгсэл, тоноглолыг хүлээн авах актыг батлах

ж/ тэмцээний үед гарсан гомдол буюу үл ойлголцлыг шийдэх

з/ дээд амжилт тогтоосон актыг батлах хяналт тавих

и/ шүүгчдийн зөвлөл буюу багийн ахлагч нарын хуралдааныг тэмцээн эхлэхээс өмнө тэмцээний явц, тэмцээн дууссаны дараа зохион байгуулах

к/ тэмцээний хэрэгцээнд хуваарилагдсан. барилга, байгууламжийн бэлэн байдлыг шалгах

л/ тэмцээн зохион байгуулж буй клуб, байгууллагуудын тэмцээн зохион байгуулсан тайланг бичгээр гаргуулж гарын үсэг зурж холбоонд өгөх

3.3.3. Ерөнхий шүүгчийн эдлэх эрх:

- тэмцээнийг эхлэх хугацааг хойшлуулах, эхэлсэн үед зогсоох буюу түр завсарлуулах,
 - тэмцээнийг зохион байгуулах график буюу журманд шаардлагатай гэж үзвэл өөрчлөлт оруулах. Гэхдээ ерөнхий шүүгч нь дүрмээр батлагдсан уралдаан зохион байгуулах нөхцөлийг өөрчлөх эрхгүй,
 - насны ангилал таарахгүй, хувцаслах заавар хангаагүй ба бусад шалтгаанаар тэмцээний тухай дүрмийн шаардлага хангаагүй оролцогчдыг тэмцээнд оролцуулахгүй байх,
 - зүй бус зөрчил гаргасан, техникийн бэлэн бус байдалтай оролцогчдын тэмцээнийг үргэлжлүүлэхийг татгалзах,
 - тэмцээний үед шүүгчдийг өөрчлөх, солих, дүрэм зөрчсөн болон үүргээ биелүүлж чадахгүй байгаа шүүгчдийг чөлөөлөх,
 - тэмцээн зохион байгуулахтай холбоотой асуудлаар эцсийн шийдвэр гаргах,
 - өөрийнхөө үүргийг биелүүлж чадахгүй байгаа буюу ноцтой зөрчил гаргасан багийн ахлагч ба дасгалжуулагчдад анхааруулах, сахилгын шийтгэл оногдуулах саналаа холбооны удирдах зөвлөлд оруулах,
- гаргасан шийдвэр үйлдэл нь буруу нь батлагдсан тохиолдолд шүүгчийн гаргасан шийдвэрийг өөрчлөх

3.4. Ерөнхий шүүгчийн орлогч

3.4.1 .Тэмцээнийг журмын дагуу шуурхай явуулах үүднээс ерөнхий шүүгчийн удирдлаган дор ажиллуулахаар орлогчийг томилж болно. Ерөнхий шүүгчгүй үед түүний үүргийг ерөнхий шүүгчийн орлогч эдэлнэ. Орлогч нарын тоо буюу тэдний үүргийн хуваарилалт нь тэмцээний цар хүрээгээр тодорхойлно.

3.4.2. Ерөнхий шүүгчийн орлогчид дараах ажлыг даалгаж болно:

- багуудын ажлын тооцоо буюу хуваарилалт;
- тэмцээний техникийн хангалт;
- тэмцээний талаархи буюу албан ёсны үйл ажиллагаануудын мэдээллийн зохион байгуулалт;

3.4.3 .Ерөнхий шүүгч, шүүгчийн хэсгийн ажлыг хариуцсан орлогч дараахь үүрэгтэй:

- тэмцээнийг зохион байгуулах, тэмцээний дүрмийн дагуу явагдаж буйд хяналт тавих;
- тэмцээн зохион байгуулж байгаа байгууллагатай хамтарч шүүгчийн зөвлөлийг бүрдүүлэх;
- тэмцээн эхлэхээс өмнө шүүгчдийг зааварчлах, шүүгчдэд нэгдмэл нэг ойлголт өгөх, дүрмийн зарим хэсгийг тайлбарлах;
- шүүгчдийн хуваарилалт буюу ачааллын график гаргах;
- шүүгчид, хэсгүүдийн ажлыг хянах, тэмцээний явцад шаардлагатай бол сэлгээ хийх;
- ахлах шүүгч буюу ерөнхий шүүгчийн мэдээллийн дагуу ерөнхий шүүгчийн тайланд шүүгчдийн ажил байдлын тодорхойлолт гаргах;

3.4.4. Ерөнхий шүүгчийн мэдээлэл ба албан ёсны үйл ажиллагаа хариуцсан орлогч дараахь үүрэгтэй:

- тамирчин болон үзэгчдэд мэдээллийн бүх хэрэгслийг ашиглан мэдээлэл өгөх;
- тэмцээний явц буюу үр дүнгийн талаар хэрэгцээтэй мэдээллээр хангах хүнийг томилох;
 - тэмцээний нээлт, хаалт, шагнал гардуулах зэрэг албан ёсны үйл ажиллагааг удирдлагаар хангах;
 - мэдээллийн хэсэг, шагналын болон радио телевиз, мэдээллийн бусад албадын хамтын ажиллагааг уялдуулан зохион байгуулах;

3.4.5 .Ерөнхий шүүгчийн тэмцээний техник хангалт хариуцсан орлогч дараахь үүрэгтэй:

- материал техникийн хангалтын хэсгийг ахалж, тэмцээний явцыг хянах, хэмжилт, бэлтгэл, тэмцээнийг явуулах газрыг бэлтгэх ажлыг хариуцах;
- тамирчдын ашиглах тоног төхөөрөмжид техникийн үзлэг хийх;
- тамирчин гэмтэл авсан тохиолдолд түүний хэрэглэсэн бүх хэрэгсэлд техникийн аюулгүй байдлын акт тогтоож, шаардлагатай гэж үзвэл шалтгааныг тодруулах буюу зөвлөлдөх зорилгоор бусад мэргэжилтнийг татан оролцуулах;

3.4.6 .Материал, техникийн хангалт хариуцсан орлогч дараахь үүрэгтэй :

- тамирчдыг хүлээн авах, байрлуулах, галын ба хамгаалах техник, хэрэгслийг хүлээж авах, хадгалах газар бэлтгэн шалгаж төрөлжүүлэн зохион байгуулах;
- тоног төхөөрөмж, биеийн тамирын хэрэгслүүд, шүүгчдийн хугацаа хэмжих багажууд, дохиоллын хэрэгслүүд, холбоо мэдээлэл, цахилгаан мэдээллийн хэрэгслэл, туг өргөх, чанга яригч, өсгөгч, мэдээллийн дэлгэц, шагналын тавцан зэргийг бэлтгэх;
- тэмцээн явуулах газар, техник, тоног төхөөрөмж, шүүгчдийн зөвлөлийн ажиллах байр, техникийг бүрэн бүтэн байлгах, шүүгчийн зөвлөлийн бичиг хэрэг, барилгын план, бусад мэдээллийн материалуудыг олшруулах хэрэгслээр хангах;
- тэмцээн зохиох болон тамирчдын бэлтгэл хийх газар, байрлал байруудыг зохион байгуулах:
 - эмч буюу тэмцээний үйлчлүүлэгчдийг байраар хангах, байрлуулах;
 - тэмцээний үед, ёс зүйн эргүүлийг томилох ба ёс зүйн эргүүл нь бүх зааврыг ерөнхий шүүгч буюу түүний техникийн хангалт хариуцсан орлогчоос авах;

3.4.7.Тэмцээний ёс журмын эргүүл

Тэмцээний ёс журмын эргүүл нь тэмцээн явуулах буюу бэлтгэл хийх газар, тамирчид, шүүгч нарт зориулсан байруудын эмх цэгц, дэг журам, тэмцээний үеийн хэв журам, үйлчилгээ, автомашины хөдөлгөөнийг зохицуулах, эд хөрөнгийг хамгаалах, аюулгүй байдлыг хангах ажлыг хариуцна.

3.5. Ерөнхий нарийн бичгийн дарга

3.5.1. Тэмцээний ерөнхий нарийн бичгийн дарга нь ерөнхий шүүгчид шууд захирагдана. Ерөнхий нарийн бичгийн дарга нь мандатын комисс буюу ерөнхий шүүгчийн зөвлөлийн ажилд оролцоно.

Ерөнхий нарийн бичгийн даргын үүрэг:

- нарийн бичгийн гишүүдийн дунд үүргийг хуваарилах ажлыг зохион байгуулах;
- мэдүүлэг хүлээн авах, сугалаа сугалуулах;
- тэмцээний тэмдэглэлийг хөтлөх, багийн төлөөлөгч буюу оролцогчдод хүргэх;
- тусгай төрлөөр оролцож буй хэсгүүдийг хянан зааварлах;
- өөрсдийн ажлыг мэдээллийн төвийн удирдлагатай холбох;
- хувийн буюу багийн дүн мөн тэмцээний төрлөөр нь гарсан тэмдэглэлүүдийг нэгтгэх, зарлалын самбарт бичиж тавих, мэдээлэх;
- шүүгчдийн ерөнхий зөвлөлийн хуралдааны тэмдэглэлийг хөтлөх;
- зэргийн норматив буюу шаардлага хангасан оролцогчдыг тодруулах;
- норматив биелүүлсэн тухай тодорхойлолт олгох бөгөөд ерөнхий шүүгч, ерөнхий нарийн бичгийн дарга, ахлах шүүгч нараар гарын үсэг зуруулсан байх;
- дээд амжилт тогтоосон тухай актыг зөв бичих, түүнийг хянах, шинэ дээд амжилт гаргасан тухай аргуудыг ахлах шүүгч нарын оролцоотойгоор тогтоох;
- тэмцээний үр дүнгийн материалуудыг хэвлэх, хувилах техникийн тайлан гаргах уралдааны бүх материалуудыг бэлтгэх;

3.5.2. Ерөнхий нарийн бичгийн дарга нь тэмдэглэлийг үнэн зөвийг болон оноо тоолох, оролцогч багийн байрыг тодорхойлох ажлыг хариуцна. Техникийн ажлаа явуулахын тулд тэмцээний цар хүрээндээс шалтгаалан түүний удирдлага, зааврын дагуу ажиллах туслах нарийн бичгийн даргатай байж болно.

3.6. Төрөл хариуцсан ахлах шүүгч

3.6.1. Төрөл хариуцсан ахлах шүүгч нь тэмцээний тухайн төрлийн хэсгийг удирдана.

3.6.2. Ахлах шүүгч нь ерөнхий шүүгчид шууд захирагдах ба түүний удирдлаган дор ажиллана.

3.6.3 .Ахлах шүүгч нь дараах үүрэгтэй:

- тэмцээн эхлэхээс өмнө тухайн төрлийн тэмцээний байрыг шалгаж, тэмцээний хэрэгслийн байршил, тэмдэглэгээний зурвасыг зөв эсэхийг **шалгах**;
- тэмцээний хэрэгслийн **төрөл**, ажиллагаанд хяналт тавих;
- тэмцээний дүрэм зөрчсөн шүүгч буюу тамирчдыг хасах тухай санал оруулах;
- гарсан зөрчлийг тэмдэглэх;
- гомдолыг хүлээн авах;
- авагдсан арга хэмжээний талаар ерөнхий шүүгч буюу ерөнхий шүүгчийн орлогчдод илтгэх;
- өөрийнхөө шийдвэрийн бодит байдлыг хариуцах;

3.6.4. Ахлах шүүгч тэмцээн эхлэхээс өмнө ба дууссаны дараа тэмцээний техник хэрэгсэлд шалгалт хийнэ.

3.6.5 .Ахлах шүүгч нь тэмцээний үед болсон зөрчлийн тухай ерөнхий шүүгчид мэдээлэх ба тэмцээний дүрмийн дагуу маргаантай асуудлуудаар санал оруулна.

3.7. Гарааны шүүгч ба түүний туслахууд

3.7.1. Шүүгчийн хэсэг нь гарааны шүүгч болон нэг буюу хэд хэдэн туслахуудаас бүрдэнэ.

3.7.2. Гарааны үндсэн шүүгчийн гол үүрэг нь тамирчдын хэн нэг нь дохио өгөхөөс өмнө үйлдэл эхлэхийг хянах. Гарааны шүүгчийн туслах нь тамирчид дохио өгөхөөс өмнө үйлдэл хийж дүрэм зөрчсөн тохиолдолд тэднийг зогсоох буюу буцаах үүрэгтэй.

3.7.3. Гарааны үндсэн шүүгч нь дараахь үүрэгтэй:

- ахлах шүүгч болон шүүгчдийн гүйлт эхлүүлэхэд бэлэн эсэхийг шалгах;
- оролцогч нь гараан дээр зөв байрлал эзэлсэн эсэхийг нягтлах;
- эхлэх дохиог буу буюу тугаар өгнө. Дохио өгөхдөө тамирчдыг ижилхэн хэмжээтэй байрлалд байрлуулах;

3.7.4 Хэрэв тамирчдын аль нэг нь эхлэх дохио өгөхөөс өмнө үйлдэл хийсэн бол гарааны үндсэн шүүгч буюу түүний туслахуудын хэн ч ялгаагүй тэмцээнийг зогсоож оролцогчдод буцах дохио өгнө.

3.7.5 Гарааны шүүгч нь дохионоос түрүүлж гарсан тамирчинг улаан карт өргөж, гараанаас хасна.

3.7.6. Гарааны шүүгчийн туслах нь дараах үүрэгтэй

- гүйлт эхлүүлэх ажлыг зохион байгуулахад туслах, тамирчдын гарааны байрлал зөв эсэхийг шалгах;
- ээлжит гүйлтийн тамирчдын ирцийг бүртгэж тэмдэглэл хөтлөх, тэмцээн эхлэхээс өмнө оролцогчдын ирцийн тухай мэдээлэл өгөх;
- ямар нэгэн зөрчил гарсан тохиолдолд үндсэн гарааны шүүгчдэд мэдээлэх;
- гарааны шүүгчийн тэмцээний үед гаргасан анхааруулгыг тэмдэглэнэ;
- гарааны байранд байх ёстой хэрэгслүүдийг шалгаж тэмцээн дуусангуут гарааны шүүгч, хэсгийн гишүүд тэмдэглэлд гарын үсэг зурж тэмцээний нарийн бичигт хүлээлгэж өгөх;

3.8. Замын шүүгч нь даарх үүрэгтэй.

- өөрийнхөө хэсэгт тавигдсан багаж, хэрэгслийг шалгах
- тамирчдын гүйлтийг зөв гүйцэтгэж буй эсэхэд хяналт тавих
- дүрэм зөрчсөн байдлыг тухай бүр нь барианы шүүгчид, тамирчин ба техник, хэрэгслийн бэлэн байдлын тухай гарааны шүүгчид мэдээлэх
- замын шүүгчид нь гараа болон барианы шүүгчид харагдаж байхаар байрлана. Техник, хэрэгсэл тэмцээний үед эвдэрсэн буюу техник аюулгүйн дүрэм зөрчсөн тохиолдолд шаардлагатай гэж үзвэл замын шүүгч тамирчинд гүйлтийг зогсоох дохио өгнө. Жишээ нь: "4-р замд зогс" дохиогоор тамирчин тэр дороо гүйлтийг зогсооно;

3.9. Цагчин шүүгч

3.9.1. Цагчин шүүгч нь тамирчны гүйлтийг гүйцэтгэсэн хугацааг авч тэмдэглэнэ.

3.9.2. Цагчин шүүгчийн ажлыг ахлах цагчин шүүгч удирдана. Цаг хугацааг хянах нөөц секундомер ашиглана. Гүйлт эхлэхээс өмнө секундомер болон хэмжих багажаа шалгаж 0 дээр тавих ба тэмцээн эхлүүлэхэд бэлэн байгаа талаар тугаар дохио өгнө.

3.9.3. Цагчин шүүгчид нь сургалтын цамхаг дээр болон тамирчны гүйлтийн эхлэл, төгсгөл хоёрт харагдаж байхаар байрласан байна.

3.9.4. Секундомерийн үзүүлэлтийг ахлах цагчин шүүгч хянаж тэмдэглэнэ.

3.9.5. Цагчин шүүгчид нь өөрийнхөө секундомерийн үзүүлэлтийг (бусад цагчин шүүгчтэй ярилцахгүйгээр) ахлах цагчин шүүгчдэд мэдээлнэ. Секундомерийн үзүүлэлтийн тухай санал зөрсөн тохиолдолд эцсийн шийдвэрийг ахлах цагчин шүүгч гаргана.

3.9.6. Хугацааг тэмдэглэсний дараа цагчин шүүгч нь секундомерийн заалтыг зөвхөн ахлах цагчин шүүгчийн зөвшөөрлөөр 0 болгоно.

3.9.7. Тамирчны хугацааг 2-3 хэмжилтийн дунджаар тооцож авна. Тайлбар: Тэмдэглэлд дүнг алдаатай бичсэн тохиолдолд арилгахгүйгээр дээрээс нь ганц зурах ба хажууд нь зөв амжилтыг бичиж ахлах цагчин шүүгчийн гарын үсгээр баталгаажуулна.

3.9.8. Тэмцээний тухайн төрлийн хөтөлбөр дуусангуут ахлах цагчин шүүгчийн баталгаат гарын үсэгтэй тэмдэглэлийг тэмцээний нарийн бичигт өгнө.

3.9. Барианы шүүгч

3.9.1. Барианд орохдоо гүйлтийг зөв бүрэн гүйцэтгэсэн эсэхийг тодорхойлно. Тамирчдын гүйлтийн талаар замын шүүгчдийн дүнг авч гүйлт амжилттай болсон эсэхийг тодорхойлно.

3.10. Барианы шүүгчийн нарийн бичиг

3.10.1 Тэмцээний маргаантай асуудлаар гаргасан гомдол, саналыг гарын үсгээр баталгаажуулж ахлах цагчин шүүгчид өгнө. Тэмцээний талаархи мэдээллийг тэмдэглэнэ.

3.12.Нэвтрүүлэгч шүүгч

3.12.1 Бүх тэмцээнүүдэд нэвтрүүлэгч шүүгч томилогдоно:

3.12.1 Нэвтрүүлэгч шүүгч нь гал унтраах техникийн олон төрөлт спортыг олон түмэнд сурталчилахад чиглэгдсэн байдаг. Оролцогч, үзэгч, дасалжуулагч, хэвлэл мэдээллийн төлөөлөгчдийг цаг тухайд нь тэмцээний явц буюу үр дүнтэй танилцуулна.

3.12.2. Нэвтрүүлэгч шүүгч нь дараахь үүрэгтэй:

- тэмцээний багийн болон хувийн үзүүлэлтүүдийг тэмцээний хөтөлбөрийн бүх төрлөөр сайн мэдэж байх;
- тэмцээний үед нэвтрүүлэг хөтлөх, тэмцээний явцад хамгийн сайн амжилтын тухай цаг тухайд нь мэдээлэх;
- тэмцээний явц дахь шүүгчдийн зөвлөлийн гаргасан шийдвэрийн талаар танилцуулах;
- шүүгчдийн ерөнхий зөвлөлд танилцуулсаны дагуу албан ёсны үйл ажиллагаанд зориулсан тусгай сэдвүүдийг урьдчилан бэлтгэх;

3.13.Тэмцээний эмч шүүгч

3.13.1 .Эмч шүүгч нь шүүгчийн ерөнхий зөвлөлийн бүрэлдэхүүнд орно.

3.13.2.Эмч шүүгч нь дараахь үүрэгтэй:

- мэдүүлэг өгөх үед оролцогчдын эрүүл мэндийн баримт бичгийн зөв эсэхийг шалгах ба тэмцээнд эрүүл мэндийн хувьд тэнцсэн тамирчдыг оруулахад хяналт тавих;
- тэмцээний үед тамирчдын эрүүл мэндэд хяналт тавих;
- тамирчдыг тусгай үзүүлэлтүүдээр хяналт тавих /өвдөлт, гэмтэл авсан, мөн тэмцээнийг үргэлжлүүлэх боломжгүйгээр эмчийн дүгнэлт гарсан оролцогчдыг дараагийн тэмцээнээс чөлөөлөх тохиолдолд энэ тухай ерөнхий шүүгчид мэдэгдэх/;
- тэмцээнийг зохион байгуулах үеийн эмнэлэг ариун цэврийн байдлыг шалгах;
- шаардлагатай үед эмнэлэгийн тусламж үзүүлэх;
- байгууллагын журмын дагуу бусад хяналтыг зохион байгуулах;
- тэмцээний төгсгөлд ерөнхий шүүгч буюу тэмцээн зохион байгуулж буй байгууллагад эмнэлэг ариун цэвэр тусламжийн тухай дүгнэлт, саналын хамт тайлан гаргах;

Дөрөв.Тэмцээнийг явуулах журам

4.1.Ерөнхий зүйл

4.1.1.Тэмцээнийг ямар төрлөөс эхлэх, дуусах дарааллийг тэмцээний зааварт тусгах буюу газар дээр нь шүүгчийн зөвлөл шийдвэрлэнэ.

4.1.2.Шүүгчийн бүрэлдэхүүн гүйлтийн дарааллийг урьдчилан тогтоосон байна.

4.1.3.Саадтай 100 метрийн болон довтолгооны шатны тэмцээнүүд нь хагас шигшээ буюу шигшээ гүйлтээр аваргаа шалгаруулна. Хагас шигшээ гүйлтэнд шалгарсан 8 тамирчдыг амжилтаар жагсаан гүйх замын дарааллыг тогтооно. Шигшээ гүйлтэнд шалгарсан 4 тамирчдын гүйх замыг сугалаагаар тодорхойлно.

4.1.4.Байлдааны тархалтын тэмцээний үед тамирчин техникийн алдаа гаргах эсвэл залгалтаа хийж чадаагүй бол түүнийг тухайн үедээ заавал буцааж нөхөж хийнэ. Хэрэв нөхөж хийж чадаагүй бол амжилтыг тооцохгүй. Тархалтын тэмцээнийг бүх багууд нэг төрлийн мотопомпоор ижил нөхцөлд гүйцэтгэх ёстой.

4.1.5.Тэмцээний зохион байгуулалтын буруугаас ямар нэгэн алдаа дутагдал гарах, нэгдсэн журмаар олгосон техник, зэвсэглэмж гэмтсэн хэрэв оролцогчын буруугүй бол шүүгчийн зөвлөлөөс тухайн гүйлтийг давтан хийхийг зөвшөөрнө.

4.2.Гараа

4.2.1. Цагаан шугамуудаар тэмдэглэсэн хязгаарлалтаас тэмцээнд оролцогчид гараагаа эхлэх ёстой. Энэ тохиолдолд тэмдэглэлд зааснаар нэг удаагийн гүйлтэнд оролцогчдын тоо, цагаан шугамаар тэмдэглэсэн замын тоотой тэнцүү байна.

4.2.2. Тогтоосон хугацаанд тамирчин гарааны бэлтгэлээ хангаагүй бол гарааны шүүгч тухайн тамирчинд сануулга өгнө. Тамирчин давтан сануулга авсан тохиолдолд түүнийг гараанаас гарахыг түтгэлзүүлнэ.

4.2.4. Гарааны урьдчилсан дохиог "Гараандаа" "Анхаар" гэсэн хоёр төрлөөр өгнө. Гарааг дарцагаар буюу буугаар гаргана. Хэрэв дохио өгөхөөс өмнө заасан шугамаас түрүүлж гарвал шууд улаан карт өргөж тухайн тамирчинг гараанаас хасна.

4.3. Дундын зай

4.3.1. Гүйлтийн үед тамирчин зөвхөн өөрийнхөө замаар гүйх ёстой. Тухайн тамирчин бусад тамирчинд саад хийж, өөрийн замаас гарч, замаа товчилсон тохиолдолд шүүгчид тухайн тамирчинг тэмцээнээс хасах эрхтэй. Дундын зайнд тамирчин бүх үйлдлийг бүрэн гүйцэд дүрмийн дагуу гүйцэтгэнэ.

4.3.2.Тамирчин гүйлтийн зайнд бүх үйлдлийг тэмцээний дүрэмд заасны дагуу гүйцэтгэсэн тохиолдолд тэмцээнийг дуусгасан гэж үздэг.

4.4. Саадтай 100 метрийн тэмцээн:

4.4.1. Тэмцээнийг дараах дарааллаар явуулна.

а/ тамирчин гарааны шугаман дээр гишгэлгүйгээр байраа эзэлнэ /хушууг ямар ч хэлбэрээр авч явж болно/

б/ шүүгчийн дохиогоор гараанаас гарч самбарыг даван, хос хоолойг авч гүүрэн дээгүүр гараад,хоолойг хооронд нь холбон салаа билчирт хоолойн нэг гайкийг, нөгөөг хушуунд залгаж барианд орно. Барианд орохоос өмнө хоолойг хушуунд залгасан байх ёстой.

Бариаг тооцохгүй байх тохиолдол

а/ самбарын тулгуурын хэсгийг дөрөөлж давсан

б/ гүүрэн дээгүүр гүйж байхдаа хязгаарлагч шугамны дотор буувал (хэрэв хязгаарлагч шугамны дотор буувал буцаж дахин гүүрэн дээгүүр гүйж болно)

в/ гайк залгагдаагүй бол (залгагдаад чирэгдэж салсаныг залгагдаагүйд тооцно)

д/ хушууг барианд орсон хойно залгавал

е/ дуулга малгай барианд ороогүй байхад унавал (унасан малгайг авч өмсөөд орж болно)

ё/ хоолой тасарвал

ж/ Хушуу нь оосортой байхаас гадна барианд орохдоо заавал хушууг тавьсан байна. Ямар нэгэн байдлаар хушууг барьж барианд орвол

4.5. Довтолгооны шатны тэмцээн:

4.5.1 Тэмцээнийг дараах дарааллаар явуулна.

а/ тамирчин гарааны шугман дээр гишгэлгүйгээр байраа эзэлнэ./ Довтолгооны шатыг авч гүйхэд гараа өөртөө тохиромжтой байдлаар барьж болно./

б/ шүүгчийн дохиогоор гараанаас гарч цамхаг руу шатаар гүйх үед бусад тамирчин саад хийхгүй байх ёстой.

в/ довтолгооны шатыг цонхноос цонх руу шилжүүлэхдээ босоо байдлаас тавихыг хориглоно.

г/ тамирчин барианд орохдоо хоёр хөлөөрөө шалан дээр буусан тохиолдолд амжилтыг тооцно.

4.6 3 сунадаг шатны тэмцээн:

4.6.1 Тэмцээнийг дараах дарааллаар явуулна.

а/ тамирчид гарааны шугаман дээр байрлуулсан автомашин дээр тавьж бэхэлсэн шатны байдлыг шалгаад гарааны шугамны ард очиж зогсоно.

б/ гарааны шүүгчийн дохиогоор тамирчид гараанаас гарна.

в/ шатны бэхэлгээг мулталж автомашинаас авч цамхаг руу гүйхдээ ямар ч аргыг хэрэглэж болно. Нэг тамирчин шатыг татаж сунган нөгөө тамирчин шатаар гүйж барианд орно.

г/ тамирчны хоёр хөл нь 3-р давхрын шалан дээр бууснаар бариаг тооцно.

д/ шат дутуу татагдсан бол дахин татаж болно. 3-р давхрын давцанд тавигдсан шатыг /хэрэв шүүгчийн дохиогоор хамгаалах шаардлагагүй бол / хамгаалалтын хүн барихыг хориглоно.

е/ Гараанд машины аль ч талаас гарч болох машиныг 1,4-н зам дээр байрлуулна.

Бариаг тооцохгүй тохиолдол:

а/ тамирчин дуулга малгайгүй барианд орвол

б/ шат дутуу татагдвал /шатны түгжээ 7-гоос доош хөндөл дээр түгжигдсэн, шатны гурван дахь хөндөл 3-р давхрын давцангаас илүү гараагүй бол/

в/ шатыг түгжигдээгүй үед гүйж барианд орвол

г/ шатыг цонхонд бүрэн оруулаагүй тохиолдолд

4.7. 4x 100м-ийн буухиа тэмцээн:

4.7.1. Буухиа уралдаанд 400м-ийн урттай 100м бүхий дөрвөн хэсэг замд (өсвөр үеийнхэнд тус бүр 80м урттай 5 хэсэг замд) явагдана.

4.7.2. Тэмцээн дарааллаар явагдана.

а/ **1-р зам.** тамирчин хушууг бүсэндээ хавчуулж, эвхдэг шатыг гартаа барьж, гарааны шугамны ард байраа эзэлнэ. Тамирчин дан байшин руу гүйж эвхдэг шатыг тавьж дээр нь гарч дамжин газарт бууж цааш гүйж 2-н замын тамирчинд хушууг дамжуулна.

б/ **2-р зам.** энэ замын тамирчин хушууг авч самбарыг даван гүйж хушууг 3-ын замын тамирчинд дамжуулна. 2-р замаар гүйж байгаа тамирчинг самбар давахад 4-р замд байгаа тэвштэй шингэнийг асаана.

в/ **3-р зам.** тамирчин хушууг авч бэлтгэж тавьсан хоолойг өөрт тохиромжтой аргаар авч гүүрэн дээгүүр гүйх үед хооронд нь залгаад хоолойн нэг үзүүрийг салаа билчирт залгаж нөгөө үзүүрийг хушуунд залгаж хязгаарлах шугамыг өнгөрмөгц хушуугаа салгаж, цааш гүйж хушууг 4 -ын замын таирчинд өгнө.

д/ **4-р зам.** Энэ замд гүйж байгаа тамирчин хушууг авч цааш гүйж гал унтраагуулаар тэвшинд асч байгаа галыг унтраана. Гал унтраагуул түгжээгүй байх ба ямар ч аргаар авч явж болно. Хэрэв унтрааж чадаагүй буюу ажиллахгүй бол бэлтгэл гал унтраагуулыг ашиглаж болно.

4.8. Байлдааны тархалтын тэмцээн:

4.8.1.Тэмцээн дараах дарааллаар явагдана.

Багийн 7 тамирчин техник, хэрэгслийн давцангаас 10м-ийн зайнд зүүн болон урд талаас 7- уулаа 1 эгнээ байрлалаас гарна.

а/ мотопомпны ус, бензин дамжуулах крантууд бүгд хаалттай байна.

б/ бүх хоолой, хушуу, салаа гайк залгагдаагүй байна.

в/ хушуучин мэрэг буудахдаа суугаа, босоо ямар ч хэлбэрээр байрлаж болно.

г/ хушуучид мэрэг оноход бие биендээ саад болохгүйгээр өөрсдийн байрлалаас тусалж болно.

д/ зөвхөн сүүлийн цоргоны гэрэл ассан тохиолдолд цагийг тэмдэглэж амжилтыг тооцно.

е/ хоолой болон мотопомпны тросс тасарвал техникийн саатал гэж үзэхгүй.

ё. хушуунд хоолойгоор дамжин чулуу бусад биет зүйл орж бөглөрвөл техникийн саатал гэж үзэхгүй.

ж. хоолой цоорвол нөхөөс ашиглаж болно.

з/ хэрэв хоолой, салаа гайкнууд залгагдаагүй үед ус ирвэл тамирчид нийлүүлэн барьж ус гүйлгэхийг зөвшөөрнө.

и/ сорох шүүрийг усан дотор буюу гадна залгаж болно.

Бариаг тооцохгүй тохиолдол:

а/ мэрэг оносны дараа сорох шүүр залгагдаагүй буюу салсан байвал

б/ мэрэг оноход усан сангийн ус дуусч цаашид тэмцээн үргэлжлэх боломжгүй болсон бол

в/ мотопомп ажиллаагүйгээс тэмцээн үргэлжлээгүй бол

Жич:Хэрэв тэмцээн зохион байгуулах байгууллагаас нэгдсэн журмаар техник хэрэгсэл тавьж өгсөн тохиолдолд техникийн зарим саатлыг шүүгчид газар дээр нь шийдвэрлэнэ

4.9.Хоёр төрөлтийн тэмцээн:

4.9.1. Энэ тэмцээнд дараах төрөл хамаарна. Үүнд:

• саадтай 100 метрийн тэмцээн;

• довтолгооны шатны тэмцээн.

4.9.2. Хоёр төрөлтийн дүнг саадтай 100 метр, довтолгооны шатны тэмцээнд үзүүлсэн хамгийн сайн амжилтын нийлбэр дүнгээр гаргана.

5. Замын тэдэглэгээ:

5.1.1. Замын урт 115м-ээс доошгүй (өсвөр үеийнхэн 90 м), замын өргөн 2.5 м байна. Замын эхлэл, төгсгөлийн хэмжээнээс гадагш гараа, барианд зориулж 5м-ээс доошгүй зайг гаргана. Тэмцээнийг 2 ба түүнээс дээш замаар явуулбал зам бүрийн өргөн 2м-ээс доошгүй байна. Замын хөрс хатуу хучилттай, тэгш шулуун, саадгүй байна.

5.1.2.Замыг тусгаарласан шугамыг цагаан өнгөөр зам дагуу, гараа, бариа болон самбар, хоолой, салаа билчир тавих хэсэгт хөндлөн шугам татна. Цагаан шугамын өргөн 5 см байна.

5.1.4. Тэмцээнд шаардагдах багаж хэрэгсэл, байрлал:

Саадтай 100м тэмцээний төрөл:

а/ гарааны шугамнаас 25м (өсвөр үеийнхэнд 15м) зайд 2м өргөн, 2м өндөртэй, 4 см зузаан банзаар хийгдсэн самбарыг байрлуулна (өсвөр үеийнх 1.5м өргөн, 1.7м өндөр)

б/ гараанаас 28м (өсвөр үеийнхэнд 20м) зайд эвхээтэй хоёр хоолойг тамирчид авч гүйхэд хялбар байдлаар тавина. Хоолой нь 51мм-н, урт нь тус бүр 20м-ээс багагүй (өсвөр үеийнхэнд хоолой нь 15м-ээс багагүй), хоолойн хүнд 5кг-аас доошгүй (өсвөр үеийнхэнд 3кг-аас доошгүй)байна;

в/ гараанаас 38м (өсвөр үеийнхэнд 30м)-зайд гүүрний урд гишгүүрийн үзүүрийг байрлуулна. Гүүрийн дээд тал нь 18см-ийн өргөн гүйхэд хотолзохгүйгээр хийгдэнэ. Гүүрний урт 8 м (өсвөр үеийнхэнд 6м), газраас дээш ирмэг хүртэл 1.2м (өсвөр үеийнхэнд 0.8м) өндөртэй байхын дээр, дор нь тулгуурууд хийнэ. Гүүрийн хоёр талд тус бүр 2м (өсвөр үеийнхэнд 1.5м) урттай налуу гарч, буух гишгүүр бэхлэгдэнэ. Налуу дээр 5см өргөн 3см өндөртэй хөндөл модуудыг дээд талаас нь эхлэн 35см зайтайгаар хадна;

г/ гараанаас 75м (өсвөр үеийнхэнд 58м)-зайд салаа билчирийг байрлуулна. Салаа билчирийн 51мм-н 2 тотго нь крантгүй байж болно. Харин дунд талын тотго заавал кранттай байна. Тотгоны өндөр 6 см ямар нэг дээшээ, доошоо хазайлтгүй тэгш 90 градусын өнцөгтэй байна.

д/ хушууны урт 32 см, жин нь 40гр-аас багагүй, оосорны урт нь 50см-ээс уртгүй байна.

Довтолгооны шатны тэмцээний төрөл:

а/ гүйлтийн талбайн урт нь 50м-ээс дээш, өргөн нь хэрэв 4 замтай бол 10м, 2 замтай бол 5м-ээс багагүй байна.

б/ цамхаг хүртэл гүйх талбай нь тэгшхэн, тамирчдад гэмтэл учруулж болох ир,үзүүртэй зүйл, чулуугүй байвал зохино.

в/ цамхаг нь 4 давхар байна. Цамхагийн урд талд хамгаалалтын торыг татсан байна.

Цамхагийн талбай руу харсан нүүрэн талд дараахь зүйлүүдийг байрлуулна:

а/ нэг давхраас бусад давхарт 1.1м өргөн,1.87м өндөр хэмжээтэй **цонхтой байна.**

б/ цонхноос цамхагийн хананы ирмэг хүртэл 65 см, хоёр цонхны хооронд 60см-ээс доошгүй зайтай байна

в/ цонхны тавцангийн өргөн нь 40±2см байна.

г/ цонхны тавцангийн дээд ирмэгээс шал хүртэл 80см байхаар тооцно

д/ газраас хоёрдугаар давхрын цонхны тавцангийн ирмэг хүртэл 4.25м давхруудын цонхны тавцангийн хоорондох зай нь 3.3 м байна

е/ давхруудын цонхны тавцан нүүрэн талдаа гадагш 3 см илүү цухуйсан байна. 2-р давхарын цонхны тавцангийн цухуйсан хэсэгт шатыг доргилтоос хамгаалан зөөлөвч хадна

ё/ цамхагийн нүүрэн талд ямар нэгэн гадагш гарсан зүйл байж болохгүй. 2-р давхрын цонхноос өлгөсөн шатны 3 дахь хөндлөөс доош 1-2см зайд 6х6 см огтлол бүхий модыг хадна.

ж/ цамхагийн давхар бүрийн цонхны цаана 1.5 м-ийн өргөнтэй талбай байх бөгөөд тэр нь байнгын шаттай шууд холбогдсон байна. Байнгын шат нь цамхагийн дотор буюу цонхны эсрэг талд байрласан байна

з/ сургуулийн цамхаг нь найдвартай бат бөх материалаар хийгдэж төхөөрөмжлөгдсөн байна

и/ цамхагийн өмнө талд газарт хамгаалах зөөлөвчийг хийнэ. Цамхагийн өргөнөөс 1м илүү урт, 4м өргөн, 1м гүн нүхийг ухаж хамгаалалтын зөөлөвчийг хийнэ.

й/ тамирчин гарааны шугамны ард байрлана. Довтолгооны шатны арааны урт нь 40см-ээс богиногүй, 8.5кг-аас багагүй жинтэй байна;

3 сунадаг шатны тэмцээний төрөл:

а/ автоцистерний усыг нь бүрэн асгаж, хойт дугуйны голыг цамхагнаас 30м-н зайд гарааны шугаман дээр байрлуулна.

б/ тамирчид автомашинаас 1,5м-ийн зайнаас зүүн, баруун аль ч талаас гарч болно. Гурав сунадаг шат нь стандартын дагуу байх бөгөөд ямар нэгэн өөрчлөлт хийгээгүй байна.

4х100м-н буухиа тэмцээний төрөл:

а/ уралдааны зам нь 400м битүү зуувин цагираг хэлбэртэй байх бөгөөд замын өргөн нь 2.5м-ээс багагүй байна. Замыг дотор талын хашлагаас гадагш 1,2 дугаар зам гэж дугаарлана.

б/ гүйлтийн зам тус бүрийн уртыг хэмжихдээ дотор талын замыг хүрээнээс 30см-ийн зайтай хэмжиж, бусад замыг тусгаарласан шугамаас 20см зайтай хэмжинэ.

Зам тус бүр дээр дараах багаж, хэрэгслийг байрлуулна:

а/ 1-р замд гараанаас 30м-т байшингийн ирмэг байрлана. Байшингийн урт 5м, өргөн 2м 36см, газраас дээврийн орой хүртэл 2.5 м, дээвэр нь 4 м урт, 1.5 м өргөнтэй 2 налуутай 2 хажуу ирмэгтээ 30 градус өнцөг үүсгэн бэхлэгдэнэ. Дээврийн налуугийн доод ирмэгээс дээш 20см-т түүний бүх уртад 10 см өргөн, 6 см өндөртэй шугам мод хадна. Дээврээс газарт үсэрч буухад зориулсан дамжих 1м урттай тавцанг байшингийн төгсгөлд хийнэ. Тавцангийн өндөр нь газраас 1.75м байна. Шат тавихад зориулан дээврийн 2 налуугийн уулзвараас хоёр тийш 40 см зайд 5х5 хэмжээтэй 60 см урт модыг налуугийн ирмэгээс гадагш 10 см илүү гаргаж хадна. Байшингийн нүүр талыг банзаар битүүлсэн байна. Шат нь эвхдэг болон эвхдэггүй модон, төмөр, металлаар хийгдсэн, хүнд нь 8.5кг-аас багагүй байна.

б/ 2-р замд гараанаас 50 м-т самбарыг байрлуулна.

в/ 3-р замд 2-р замын төгсгөлөөс 15м-т 2 хоолой тавина. Эвхээстэй хоолойг тамирчин өөрт тохируулан байрлуулна. Мөн зайн эхнээс 25м-т гүүрийн байлуулна. Гүүрнээс буух гишгүүрийн төгсгөлийг дайруулан замын өргөний хэмжээний хязгаарлагч хөндлөн шугам татна. Мөн замын эхнээс 55м-н зайд салаа билчир байрлуулах ба 80м зайд замын өргөний хэмжээнд хязгаарлагч цагаан шугам татна

г/ 4-р замд эхний 20м-т гал унтраагуул байрлуулна. Гал унтраагуул нь 5±1 кг жинтэй нунтаг, минутын 8 бар даралтанд 600 литр байна.

д/ гал унтраагуулаас 30м-т тэвшийг байрлуулна. Тэвш нь 1.5м урт, 1м өргөн, 20см өндөр төмрөөр хийсэн байна.

Гүйлт бүрт тэвшинд доорхи хэмжээгээр шингэнийг бэлтгэсэн байна

ус	30л
солярка	2л
бензин	0.25л

д/ гүйлт бүрийн дараа тэвшний шингэнийг юүлж дараагийн тэмцээн явуулахад бэлтгэж шингэнийг хийнэ. Буухиа уралдаанд хэрэглэгдэх самбар, хушуу, хоолой, гүүр, салаа билчир нь саадтай 100м-ийн тэмцээний хэрэгсэлтэй адил байна.

е/ шатах шингэнийг хийж хэмжээгээр нэгзагварын саванд савласан байна.

Байлдааны тархалтын тэмцээний төрөл:

а/ байлдааны тархалтын төрөлд мотопомпноос гадна дараахь хэрэглэлийг ашиглана. Үүнд:

Хавсралт № 1

Байлдааны тархалтын тэмцээний техник хэрэгсэл:

№	Нэр төрөл	Тоо ширхэг	Диаметр	Урт
1	Сорох хоолой	2	100мм	4м
2	Сорох шүүр	1	100мм	
3	Төв шугамын хоолой	3	66мм	20м

4	Ажлын шугам хоолой	4	51мм	20м
5	Салаа бипчир	1		
6	Хушуу РС -50	2	51 мм	
7	Түлхүүр	2		
8	Хэрэгслэл байрлуулах тавцан	1		2м x 2м
9	Усны ган сав	1	1000л	H= 800мм L=1200мм D=1100мм
10	Мэргэ онох цорго	2	10л	

б/ Тавцангийн баруун гар талд 4 метрийн зайд усны сав байрлуулна
в/ мотопомп хоолой, салаа, гайк, хушуу, сорох шүүр, түлхүүрүүдийг тавцан дээр байрлуулахдаа техник хэрэгслийг тавцангаас илүү гаргахгүйгээр байрлуулна . Зөвхөн сорох шүүрийг илүү гаргаж болох ба газар хүргэж болохгүй;

Дасгалыг тооцохгүй тохиолдол:

- а/ дохио өгөхөөс өмнө гараанаас гарсан бол улаан картыг өргөж багийг тэмцээнээс хасна
- б/ стандартын бус техник, хэрэгсэл хэрэглэх, хоолойнуудыг урьдчилан холбосон бол
- в/ сорох хоолойноос бусад техник, хэрэгслийг тавцангаас илүү гаргаж байрлуулбал
- г/ хушуугаар ажиллаж байгаа тамирчин хязгаарлах шугманд хүрвэл
- д/ хушуучин тамирчин мэргэ онохдоо хушуу, хоолойгоор газар тулсан
- е/ сорох шүүрийг байлдааны тархалтын явцад болон усыг соруулахаас өмнө холбоогүй бол
- ё/ гарааны бэлтгэл ажил 5 минутаас илүү хугацаа хэтэрсэн тохиолдолд
- ж. хувцаслалтын шаардлагыг зөрчин дасгалыг гүйцэтгэвэл тохиолдолд

Жич:

- хушуучингууд өөрсдийн байрлалаас шугаманд хүрэхгүйгээр нөгөө хушуучинд туслахыг зөвшөөрнө;

5.2. Техник, хэрэгслүүд нь аюулгүй ажиллагааны дүрэм журамд нийцсэн, тэмцээн явуулахад ашиглахуйц байна.

5.3 Биеийн тамирын цогцолборт тэмцээн явуулах онцлог

5.3.1 Материаллаг баазаас шалтгаалан биеийн тамирын цогцолборт саадтай 100 метрийн гүйлтийн болон довтолгооны шатны тэмцээнд зориулагдсан гүйлтийн замтай халаалттай байранд тэмцээн явуулж болно. Олон улсын тэмцээнүүд нь тусгай комплекс буюу 2-4 уралдааны замтай спорт цогцолборт явагддаг. Саадтай 100 метрийн тэмцээн явуулах зам нь 115 метрээс доошгүй байх ёстой.

Дээд амжилтыг бүртгэх

6.1. Ерөнхий зүйл

6.1.1 .Гал унтраах техникийн олон төрөлт спортын холбооноос баталсан тэмцээний дүрмийн дагуу явагдсан албан ёсны олон улсын болон улс, бүсийн тэмцээн дээр үзүүлсэн спортын нэг болон бусад төрөлд байгаа дээд амжилтыг давтсан буюу шинэчлэн тогтоосон амжилтыг дээд амжилт гэж тооцно.

6.1.2. Гал унтраах техникийн олон төрөлт спортын тухайн төрөлд үнэмлэхүй дээд амжилтыг бүртгэж авна. Задгай талбайд болон зааланд үзүүлсэн амжилтыг тус тусад нь бүртгэж авна. Задгай талбайд болон зааланд үзүүлсэн амжилт дээд амжилт байж болно.

6.2.Дээд амжилтыг бүртгэх дараалал

6.2.1. Сонгон шалгаруулах болон шигшээ тэмцээнд мөн түүнчлэн хувийн амжилтаар зэрэглэл тогтооход авсан амжилт нь дээд амжилт байж болно.Гэхдээ энэ амжилт үзүүлсэн төрөл нь тухайн тэмцээний хөтөлбөрт орсон байх ёстой. Дүрмийн шаардлагуудыг хатуу баримтлан ГУТОТСпортын холбооноос зохион явагдсан урьдчилан төлөвлөөгүй болон баяр ёслол тэмдэглэлт өдрүүдэд зохиогдсон, олон улсын тэмцээн дээр үзүүлсэн амжилтыг дээд амжилт гэж бүртгэж авахыг зөвшөөрнө. Тэмцээн явагдах тухай болон тэмцээний хөтөлбөрийг тэмцээн явагдахаас 3-аас доошгүй хоногийн

өмнө нийтэд зарлаж мэдээлсэн байх ба дээд амжилт үзүүлсэн төрөлд 3-аас цөөнгүй тамирчин оролцсон байх ёстой.

6.2.2. Олон улсын тэмцээний дээд амжилтыг цахим төхөөрөмжөөр бүртгэнэ.

6.2.3. Олон улсын чанартай тэмцээний дээд амжилтыг зөвхөн автоматчилагдсан хронаметражаар бүртгэнэ. Автоматчилагдсан хронаметражаар дээд амжилтыг бүртгэхдээ өмнөх оролцогчийн амжилтаас 0.01 секундээр давсан тохиолдолд бүртгэнэ.

6.2.4. Саадтай 100 метрийн зайн гүйлтэнд /2 төрөлтийг оролцуулан / 2 м/сек-ээс дээш дундаж хурдтай салхины дагуу гүйж үзүүлсэн амжилтыг дээд амжилт гэж бүртгэж авахгүй. Дээд амжилтын үзүүлэлтүүдийг ерөнхий шүүгч болон түүний орлогч нэн даруй шалгана. Шалгахдаа дээд амжилт амжилт үзүүлсэн хэрэглэлүүдээс гадна гал унтраах хэрэгслийг шалгана

6.2.5. Дээд амжилтыг бүртгэж шалгасан хэмжилтийн багаж нь (секундомер, эвхдэг метр болон хугацаа, зай, жинг хэмжих бусад төхөөрөмж) ГУТОТ спортын шаардлагуудыг хангасан байна.

6.2.6. Дараах нөхцөлүүдийг хангасан бол дэлхийн болон европ, азийн аварга шалгаруулах тэмцээний дээд амжилтыг бүртгэж авна. Үүнд:

- тухайн тэмцээн нь гал сөнөөгч болон аврагчдын олон улсын спортын холбооны арга хэмжээний төлөвлөгөөнд орсон
- гал сөнөөгч болон аврагчдын олон улсын спортын холбооноос ерөнхий шүүгчдийг баталсан
- гал сөнөөгч болон аврагчдын олон улсын спортын холбооноос шүүгчдийн бүрэлдэхүүнд тухайн тэмцээнийг хянах байцаагчийг томилсон
- тэмцээнд гадаадын улс орнуудын 10-аас доошгүй шигшээ баг оролцсон
- тэмцээн нь гал сөнөөгч болон аврагчдын спортын дүрмийн дагуу явагдах бөгөөд тэмцээн эхлэхийн өмнө техник хэрэгслэл, хугацаа, хэмжих, багаж (секундомер)-ийг шаардагдах хэмжээнд байгаа эсэхийг шалгаж нотломж үйлдэнэ (тухайн тэмцээнд хэрэглэгдэх багаж, хэрэгсэл нь олон улсын тэмцээний дүрэмд заасан аюулгүй ажиллагааг хангасан байх)
- дэлхийн болон европ, азийн аварга шалгаруулах тэмцээний дээд амжилтыг задгай талбайд болон зааланд гэж ангилан бүртгэнэ;

6.3. Дээд амжилтыг баримтжуулах дараалал

6.3.1. Бүх бүртгэгдсэн дээд амжилтыг шүүгчийн бүрэлдэхүүн материалыг шалгасны дараа батална.

6.3.2. Дээд амжилтыг батлахдаа олон улсын гал сөнөөгч, аврагчдын спортын холбооны баталсан загвараар нотломжийг 2 хувь бичнэ. Нотломжинд өмнөх дээд амжилтыг давтсан болон шинэчлэн тогтоосон амжилт бүрийг мөн 1 өдөрт 2 болон түүнээс дээш тооны тамирчин хэдэн удаа шинэчлэн тогтоосон болон давтсаныг оруулна. Нотломжинд:

- а/ тэмцээний тухайн төрлийн тэмдэглэл
- б/ хугацааг хэмжих төхөөрөмжийг ашигласан бол барианы гэрэл зургийг хавсаргана

Дээд амжилтын тухай материалуудыг тэмцээнийг зохион байгуулагчид дээд амжилт үзүүлсэн өдрөөс 10 өдрийн дотор тэмцээний дүрмийн үнэн зөвийг шалгаад олон улсын болон улсын холбоонд өгнө.

6.3.3. Хэрэв нэг тэмцээн дээр болон сонгон шалгаруулах ба шигшээ тэмцээнд 2 болон түүнээс дээш тамирчин 1 ижил дээд амжилт үзүүлбэл, тэдний тэмцээнд эзэлсэн байраас хамаарахгүйгээр дээд амжилт тогтоосон гэж тооцно. Дээд амжилтын үзүүлэлтэд тамирчдын овог, нэрийг цагаан толгойн дэс дарааллаар бичнэ.

6.3.4. Хэрэв 1 гүйлтэн дээр 2 болон түүнээс олон тамирчин секундомерийн үзүүлэлтээр ижил амжилт үзүүлбэл бүгдийг нь дээд амжилт тогтоосон гэж тооцон дээд амжилтын хүснэгтэн дээр дээд амжилт тогтоосон гүйлтэнд нэрийн дарааллаар бичнэ.

6.3.5. Хэрэв календарын 1 хоногт гал унтраах техникийн олон төрөлт спортын ямар нэг төрөлд нь янз бүрийн хотод хэд хэдэн тамирчин ижил дээд амжилт тогтоовол бүх тамирчдыг дээд амжилт тогтоосноор тооцно. Энэ тохиолдолд дээд амжилтын хүснэгтэн дээр үнэмлэхүй (астраниомийн) цагаар тогтоосон дарааллаар овог, нэрийг нь бичнэ.

Саадтай 100 метрийн тэмцээний бүдүүвч зураг, техник хэрэгсэл

СААДТАЙ 100 МЕТРИЙН ГҮЙЛТ

Байлдааны тархалтын тэмцээний бүдүүвч зураг

Тайлбар: Довтолгооны шат, саадтай 100м-ийн амжилтуудыг нэгтгэн 2 төрөлтийн амжилтыг протсжолд тусгана. Ерөнхий шүүгч ба нарийн бичиг гарын үсэг зурсан байна.

Хавсралт № 8
Батлав
Тэмцээний ерөнхий шүүгч
.....Гарын үсэг
20оны-р сарын-ны өдөр

Гал унтраах техникийн олон төрөлт спортын дээд амжилт тогтоосон баримт

1. Он, сар, өдөр
2 Ямар төрөлд
3. Тэмцээн явагдсан газар 4 Ямар дасгал (төрөлд)
5. Хэн тогтоосон
а. овог, нэр б төрсөн он, сар
в. цол зэрэг г яс үндэс д.гэрийн хаяг
6 .Техникийн амжилт
7. Өмнө тогтоосон амжилтын он
Үзүүлсэн амжилт үр дүн
8. Тэмцээний амжилтыг тогтооход

№	Хэмжих багаж хэрэгслийн нэр	Хэмжих багаж хэрэгслийн номер	Шалгалт явуулах газар	Шалгалт явуулах байгууллага	Шалгалт явуулах он, сар, өдөр	Хэмжих багажийн үзүүлэлт

9. Цаг агаарын байдал, салхины чиглэл, хүч
10. Гүйлтийн загийн хэмжээнүүд
11 .Ямар гүйлтээр дээд амжилт тогтоосон
12 .Тэмцээнийг батлан гаргасан дүрмийн дагуу явуулсан
Нарийн бичгийн дарга Ахлах шүүгч
Гарааны шүүгч
Рекорд амжилт тогтоосноос хойш 10 өдрөөс хэтрүүлэлгүй бичиг баримтыг бүрдүүлсэн байх ёстой.

Хавсралт №9

Тэмцээний ерөнхий шүүгчийн дүгнэлтийн хэлбэр

Тэмцээний төрөл:
Явагдсан он, сар, өдөр:
Тэмцээн явагдсан газар:
Тэмцээнд оролцсон багийн тоо:
Тэмцээнд оролцсон тамирчдын тоо:
Багийн амжилт:
Төрөл тус бүрийн аварга шалгаруулах тэмцээнд **эхний** 3 байрт шалгарсан тамирчид:
Тэмцээний үед рекорд болон дээд амжилт **тогтоосон** байдал (хэн ямар амжилт тогтоосон) баримтжуулах:
Цаг агаар (температур, салхины хүч, хур тунадас,гэрэлтүүлэгч):
Мэдүүлэг болон (тэдгээрийг зөвшөөрөгдсөн эсэх):
Бэртэл, гэмтэл (бэртэл, гэмтэл авсан эсэх, авсан **бол** ямар арга хэмжээ авсан):
Хөгжөөн дэмжигчдийн тоо, тэдгээрт үзүүлсэн үйлчилгээний нэр төрөл:
Шүүгчдийн зөвлөлийн ажлын арга барил, ёс суртахуун:
Тэмцээний дүнд өгсөн ерөнхий үнэлгээ санал хүсэлт:
Тэмцээний зөвлөлийн бүрэлдэхүүн ба тэдгээрийн ажилд өгсөн үнэлгээ

Гарааны шүүгчийн тэмдэглэл

Тэмцээний төрөл

нэр

Гүйлт	Замын дугаар	Оролцогч тамирчны дугаар	Овог нэр	Оролцогч улс, клубын нэр	Тайлбар

Ерөнхий нарийн бичгийн дарга

гарын үсэг

Хавсралт №11

Тэмцээнд оролцох баг тамирчдын мэдүүлэг

N°	Овог нэр	Төрсөн он	Анги байгууллага	Спортын эзрэг	Саадтай 100м	Довтолгооны шат	2 төрөлт	Буухиа	Байлдааны тархалт

Дасгалжуулагч:
Багийн ахлагч

гарын үсэг

Анги, байгууллагын дарга

гарын үсэг

Мэдүүлгээр оролцох бүх (оролцогч) тамирчид нь бие бялдарын хувьд бэлтгэл хангагдсан, эрүүл мэндийн үзлэгт орсон байх зайлшгүй шаардлагатай

Монголын Биеийн тамир спортын Үндэсний төвийн
цол, зэргийн комиссын 2012 оны дугаар сарын
.....-ны өдрийн хурлаар батлав.

Хавсралт №12

**ГАЛ УНТРААХ ТЕХНИКИЙН ОЛОН ТӨРӨЛТ СПОРТЫН ЦОЛ,
ЗЭРГИЙН НЭДСЭН АНГИЛАЛ**

№	Спортан төрөл	Олон улсын хэмжээний мастер	Спортын мастер	Дэд мастер	I зэрэг	II зэрэг	III зэрэг
1	Довтолгооны шатаар цамхагийн 4-р давхарт гарах	14.20	14.80	15.60	17.80	19.00	19.80
2	Саадтай 100м-ийн зайн гүйлт	16.48	16.90	17.80	18.50	19.50	20.40
3	Гурав сунадаг шатаар цамхагийн 3-р давхарт гарах	13.00	13.50	14.50	17.10	19.20	21.00
4	4x100м-ийн буухиа уралдаан	57.50	59.30	61.50	67.50	70.00	71.00
5	Байлдааны тархалт	36.20	37.00	39.00	39.97	41.00	48.50

Хавсралт № 13

Тэмдэглэл

**Гал унтраах техникийн олон төрөлт спортын
4x100 метрийн буухиа уралдааны дүн**

Байр	Багийн нэр	Тамирчдын овог нэр	.он ... сар.	өдөр
			Амжилт	Авсан амжилт

Ерөнхий шүүгч::

Тэмдэглэл

Гал унтраах техникийн олон торелт спортын байлдааны таргалтын тэмцээний дүн

Байр	Багийн нэр	Тамирчдын овог,нэр	Амжилт		
			1	2	Авсан амжилт

Ерөнхий шүүгч:
Нарийн бичгийн шүүгч: